

Пар хагъллгъиг чанъгъахмн

Мана танъгъчин селәнә эдл-ахун куч-кѳлсчнр ирх джилд тәрәнә сән ургъц авхин тѳлә ик килмджән узулджәцхәнә. Тәрә тәрлгәнә агротехническ сән цагт, экнә йилгъән сәәнәрнъ болн кирслдж тәрлгәнә эв-аргъар хар гуйрин тәрә тәрх даалгъвр эдн авцхав. Тер угән бәрлж, хаврин тәрәнл газр хагълдж белдлгъиг чигн тургәр цагтнъ куцәлгъ теткхмн гицхәв.

Эн джил танъгъчар 84 минъгън 579 гектар газр хагълдж, хар гуйрин тәрә тәрхд пар белдх бәәсмн, июль сарин 10 кұртл 64 минъгън 244 гектар газрт пар хагълдж, зурагъан 76 процент куцәцхәв.

Зәрм райод болн кесг колхозмуд, совхозмуд пар хагъллгъиг цагтнъ болн ѳбдән агротехническ зокалар кегәд, теругәрн газрин структур ясад, газрт чиг хоршахд сән гидг эв-аргъ учрав.

Тиигдж, Приюгненск район (КПСС-н райкомин сегләтрнъ ур Постников, куцәгч комитетин ахлачнъ ур Яшкилев) 11 минъгън 848 гектар газр хагълв, зурань—8 минъгън 602 гектар бәәсмн, эс гидж 130,7 процент куцәв, тер тоод „Дружба“ болн Кировин нертә колхозмуд пар хагъл-

лгъна зурагъан сәәнәр куцәв. Целинн район (КПСС-н райкомин сегләтрнъ ур Чурбанов, куцәгч комитетин ахлачнъ ур Сидько) 11 минъгън 494 гектар пар хагълв, зурань—8 минъгън 555 гектар бәәсмн, эс гидж пар хагъллгъна зурагъан 134 процент куцәв, тер тоод „Родина“ колхоз болн „Балковский“ совхоз узмджтә сәәнәр зурагъан куцәцхәв. Западн района 112-ч номертә болн „Южный“ совхозмуд чигн пар хагъллгъар ик бурдәмджтә кѳллмш кецхәджәнә.

Приозерн, Яшкульск болн Сарпинск районд пар хагъллгънд чинр ѳглго, зурагъан зуг 23-44 процент куцәцхәв. Эн райодин болн зәрм эдл-ахусин гардачнр пар хагъллгънд онъган ик муугъар ѳгчәнә.

Ода чигн танъгъчар 20 минъгън 335 гектар газрт пар хагъллгъмн, тууг цаг тудәлго куцәлгън—мана колхозмудин болн совхозмудин нег чинртә тѳрнъ.

Пар хагълсна хѳбн, туунд сән асрмдж, хәләвр кергтә. Тиигдж Яшалтицк, Приютненск, Целинн болн Западн райодин колхозмуд болн совхозмуд хагъллгъсн паран цагтнъ самллгъ, семллгъ кедж, асрмдж ѳгчәцхәнә.

Намрин тәрәнәс сән ик ургъц авхин кергт мана колхозмудин ахлачнр, совхозмудин директормуд, танъгъчин селәнә эдл-ахун управлень болн селәнә эдл-ахусин агрономс пар хагъллгънд болн хагъллгъдкскн пардан асрмдж ѳглгънд йилгъән онъган ѳгч, пар хагъллгъна зурагъан давулдж куцәхин тѳлә олн куч-кѳлсчнр дунд цәәлгъврнн кѳллмш чанъгъадж, пар хагъллгъах механлизатормуд дунд ѳргәр социалистическ дѳрлдә бурдәдж делгрүлх зѳвтә.

Б. БОЛДЫРЕВ.

КПСС-н танъгъчин комитетин инструктор.